



Waipapa
Taumata Rau
University
of Auckland

Growing Up
in New Zealand

Peau Tānaki Fakamatala Ta'u 'e 17

Tokotaha Tauhi Tefitó
Pepa Fakamatala 'a e Tokotaha 'oku Kaú

Leading Light: Te Rōpū Pīata

‘Oku mau loto ke fakaafe’i atu koe ke ke hokohoko atu ‘i he kau mai ki he ako Growing Up in New Zealand, ‘a ia ‘oku fakalele ‘e he ‘Univēsitī ‘o ‘Aokalanī.

Ko e fuofua taimi na’á ke lesisita ai ke kau ki he *Growing Up in New Zealand* na’á ke fakahoko ia ‘i ho’o tui na’e mahu’inga ‘a e akó, pea koe’uhi ko e taimi ni ‘oku ta’u 16 ai ho tamá/fānaú, ‘oku mahu’inga ke mau ‘oatu e faingamālie ke ke fili ai pe ‘okú ke kei fie hoko atu ‘i he *Growing Up in New Zealand*.

Ko e hā ‘a e Growing Up in New Zealand?

Kuo muimui’i ‘e he *Growing Up in New Zealand* ‘a e mo’ui ‘o ha kakai kei talavou kuo laka hake ‘i he toko 6,000 talu mei hono fanau’i kinautolu ‘i he 2009/10 ke mau lava ‘o mahino’i e tō’onga mo’ui ‘o ha tamasi’i ‘i Nu’usila. ‘Oku makehe ‘a e ngaahi ako hangē ko kimautilú, ‘okú ne tokoni ke mahino ‘a e founa ‘oku kaunga ai e ngaahi me’a ‘oku hoko ‘i he tupu haké, ki he anga ‘o ‘etau mo’ui ‘i he’etau matu’otu’a angé.

‘Oku kehe ‘a e *Growing Up in New Zealand* mei he ngaahi polōseki fakatoto kehe ‘oku fakahoko ‘i he Nu’usila he taimi ni.

- Ko ha ako ia ki he kakai, ‘a ia ko hono ‘uhingá, ‘oku ‘ikai nofo taha pē ki ha ‘ēlia ‘e taha ‘o e mo’ui ‘o ha ki’i tamasi’i ‘o hangē ko e mo’ui lelei pe ako faka’atamai.
- ‘Okú ne ‘eke ha ngaahi fehu’i fekau’aki mo e ha ngaahi tafa’aki kehekehe kau ai ho fāmili/whānau, ko ho ‘ātakai, mo’ui lelei mo e tu’unga ‘o e mo’ui,

akó, fakalakalaká mo e mo’ui ‘i Nu’usilá.

- ‘Oku mau muimui’i ‘a e kakai tataua ‘i ha vaha’ataimi – kapau ‘e fili ha tokotaha/fāmili ke mavahe mei he akó, he ‘ikai lava ke fetongi kinautolu.

‘Oku mau ‘eke e ngaahi fehu’i ko ‘enī kae lava ke mau mahino’i e fa’ahinga kehekehe ‘oe ngaahi fāmili ‘i Nu’usilá mo e ngaahi fāmili ‘o e fānau ‘i he *Growing Up in New Zealand*.

Ko e fakamatala kuo ma’u mei he ako ko ‘enī, kuo ‘osi ngāue ‘aki ia ke fakatupulaki ‘aki e mo’ui ‘o e fānau Nu’usilá, pea ‘e hokohoko atu hono faka’aonga’i pehē ki he kaha’ú.

Ko e hā e me’a kuo mau ‘osi fakahokó?

Kuo tākaki ‘e he ako *Growing Up in New Zealand* ha fakamatala lahi kehekehe kau kiate koe, ko ho tamasi’i, pea mo homou ‘apí ‘o talu mei he taimi na’á ke fuofua ‘i he akó aí.

Fakamatala fekau’aki mo koe mo homou ‘apí



Fakatemokālafi

Ko ho ta’u motu’a ‘i he taimi ‘o e ‘initaviú, matakali, fonua ne fā’ele’i aí/ta’u ne tū’uta ai ‘i NZ, tangata pe fefine



Nofo’angá & ‘ātakai

Ma’u ‘apí, nofo totongi, tu’unga ‘o e nofo’angá, totongi ‘o e nofo’angá, kaungā’apí, tu’o lahi ‘a e hiki ki ha nofo’anga, ‘ikai ha nofo’anga



Ngāuē mo e Ma'u'anga Pa'angá

Tu'unga fakaako mā'olunga tahá, tu'unga fakangāuē pe ko e fa'ahinga 'o e ngāuē, livi fā'ele, ma'u'anga pa'anga fakataautaha, ma'u'anga pa'anga faka'apí, mo'uá, noó, seivingí, faka'aonga'i e monū'ia, Monū'ia 'i he Families Tax, fefononga'akí




Mo'ui lelei fakatu'asino mo faka'atamaí

Tu'unga mo'ui lelei fakalūkufuá, faingata'a'ia fakaesinó, fanaú, feitama palani'i/ta'epalani'i, mā'olunga/mamafa 'i he feitamá, me'atokoni fakaholó, ngāue fakatu'asino, ola 'o e talatala mahakí, ifi tapaká, kava mālōhí, faka'aonga'i 'o e faito'o konatapú, loto-mafasiá, loto-hoha'á



Ma'u 'a e malu'i mo'ui lelei

Ngaahi kalasi Antenatal, Lead Maternity Carer, lesisita mo ngāue 'aki 'a e GP, tokoto falemahakí, malu'i mo'ui lelei/totongi 'o e malu'i healthcare



Ngaahi Vā Fetu'utaki 'i he 'Apí

Tokolahi 'o e kakai 'i ho fāmili/whānau mo e 'apí mo honau ta'u motu'a, nofo mali pe nonofo fakamali, feke'ike'i fakaemātu'a, ngaohikovia fakaafou 'i he leá mo e tā, tokoni fakaemātu'a, vā 'o e mātu'á-fānaú, founga ako'i

Fakamatala fekau'aki mo ho'o fānau 'i he fakatoto



Fakatemokālafi

Ko honau matakali, tu'unga tangata pe fefine 'i hono fā'ele'i



Nofo'angá & kaungā'apí

Tu'o lahi mo e ngaahi 'uhinga ho'o hiki, fehokotaki ki ho ngaahi kaungā'apí mo ho'o ngaahi kulupu komiuniti, hū ki he 'initaneti



Ngāue'aki 'o e ngaahi sēvesi mo'ui lelei mo e ngaahi kautaha kehe 'o e pule'angá

GP, huhu malu'i, ngaahi sivi mo'ui lelei kehe



'Ulungaanga Fakafonuá & ko hai koe

Ko 'enau ongo'i kau ki NZ, laulanú, fengāue'aki fakafonuá, ngaahi lea fakafonua 'oku lea 'aki 'i 'apí mo e ngaahi feitu'u kehé, kau atu ki he sipoti, ngaahi kulupu fakafonuá kulupu mūsiká mo e ngaahi 'ekitiviti kehe



Fakalalakaka fakaeongo & fakasōsiale

Ngaahi 'ekitiviti pēpē/kauleka, fakalalakaka 'i he leá, ngaahi ongo kiate kinautolú, ko 'enau ongo 'i he ngaahi tūkunga kehekehe, 'ulungaanga, hoha'a ki he tu'unga 'ene fakalalakaká, feohi fakatamaiki, houtamaki, ngāue'aki e 'ilekitulōniká



Mo'ui Lelei & tu'unga lelei

Ko e fakamatala ki honau fā'ele'i, fa'ahinga puke pē, ngaahi palopalema 'i he mo'ui lelei pe tokanga, fōtunga 'o e sinó, fu'u tangata pe fefine, mo'ui lelei faka'atamai, fakalavea'i kitá



Ngaahi vā fetu'utaki mo e fāmilí & ngaahi kaungāme'á

Tokolahi 'i ho fāmilí/whānau mo e 'apí 'i he tu'unga takitaha ho mo'ui, ngaahi liliu ki ho fāmilí kau ai e vā mo ho ongomātu'á, feke'ike'i 'i he nofo 'apí



Mohe, 'ekitiviti & me'atokoni mo'ui lelei

Ko 'enau kau mo'ui lelei 'i he ngaahi tu'unga kehekehe 'i he mo'ui, tō'onga kai fakafāmilí, lahi mo e tu'unga 'o e mohé, ko e hā e lahi 'enau ngaungaué

'Oku mau kole foki ha fakangofua ke hū ki he fakamatala na'e tātaki kau kiate koe mo ho tamasi'i 'e he ngaahi potungāue fakapule'angá mo e ngaahi kautaha kehe ki he mo'ui lelei mo e ngāue fakasōsialé. 'E tokoni 'emau hū ki he fakamatala ko 'eni ke fakasi'isi'i ai e ngaahi fehu'i 'e fiema'u ke mau fai mo e lōloa ho'o fakakakato e ngaahi fehu'i.

Ko e hā e me'a 'oku fakakaú?

Kapau te ke tali ke hoko atu ho'o kau ki he ako ko 'eni, te mau fakaafe'i koe ke ke fakakakato ha ngaahi fehu'i pe kau ki ha 'ekitiviti fakatotolo (hangē ko ha ngaahi 'initaviu). 'E fakahoko 'eni 'i he ta'u 'e 2 ki he 4 kotoa pē. Te mau fetu'utaki atu foki ke ke tokoni mai ke mau mahino'i e anga 'a e kaunga ha ngaahi me'a fakatupakē pe fakafonua (hangē ko ha me'a lahi fakanatula) ki ho mo'ui lelei mo ho mo'ui.

'Oku 'ikai fiema'u ia ke ke fakakakato kotoa 'a e ngaahi fehu'i pe ngaahi 'initaviu ne mau fakaafe'i koe ke ke fakakakatō. Te ke lava 'o fili ke hiki fakalaka mei ha fehu'i kapau 'okú ke loto ki ai 'o 'ikai fiema'u ha toe faka'uHINGA - 'oku sai pē ia.

Te mau 'oatu foki ha ngaahi fakamatala fakamuimui ki he akó pea mo vakai'i pea kuó ke nga'unu. 'Oku 'uhinga e fetu'utaki, 'oku mau 'ilo'i e founa ke fetu'utaki atu ai 'i he taimi 'e maau ai e 'ū fehu'i hokó.

Fēfē 'a e fakafehokotaki 'o e fakamatalá?

Ko e fakafehokotaki 'o e fakamatalá ko ha founa ia 'oku faka'aonga'i 'e he kau fakatotoló mo e kau fa'u tu'utu'uní ke hoko 'aki ha ngaahi konga kehekehe 'o ha ngaahi fakamatala na'e tātaki fekau'aki mo ha ni'ihī fakafo'ituitui mei he ngaahi savea kehekehe, ngaahi ako fakatotolo, mo ha ngaahi tātaki'anga fakamatala 'a e pule'angá. 'Oku tokoni e fakafehokotaki 'o e fakamatalá ke fakasi'isi'i e ngaahi fehu'i 'e fiema'u ke mau 'eké, 'a ia 'e si'isi'i ai homou taimi ke fakakakato 'a e pepa fakamatalá.

'Oku mau loto ke kole ho fakangofuá ke fai e ongo fa'ahinga kehekehe 'e ua 'o e fakafehokotaki fakamatalá.

Fakafehokotaki fakamatala 'i he 'Univēsi 'o 'Aokalani:

- Te mau kole atu ho fakangofuá ke mau hū ki he fakamatala kuo 'osi tātaki fekau'aki mo koe 'e

he ngaahi kautaha 'a e pule'angá (hangē ko e Potungāue Akó, ko e Potungāue Mo'ui).

- Kapau te ke loto ki ai, 'e vahevahe leva 'e he ngaahi kautaha ko iá ha tatau 'o ho'o fakamatalá mo e ako fakatoto *Growing up in New Zealand* 'i he 'Univēsi 'o 'Aokalaní, 'a ia te mau fatongia'aki hono tauhi, malu'i mo tokanga'i.
- Ko e kau fakatoto te nau fie hū ki he tñaki'anga fakamatala kuo fakafehokotaki (pe fakataha'i) te nau tohi kole ki he ako fakatoto *Growing up in New Zealand* pea mo 'emau Kōmiti Data Access 'a ia te nau fatongia'aki hono fakapapau'i 'oku muimui 'a e kau fakatoto ki he'emau ngaahi tu'utu'uni ngāue pau ki hono tauhi ke ke malu mo malu ho fakamatalá.

Fakafehokotaki fakamatala 'i he Sitetisitika Nu'u Silá:

- Te mau kole atu ho fakangofuá ke vahevahe ha tatau 'o ho'o Fakamatala 17 Year Data Collection Wave mo e Sitetisitika Nu'u Silá ("Stats NZ") kae lava ke fakataha'i fakataha mo e ngaahi fakamatala kehe kuo tñaki fekau'aki mo koe 'e he Pule'angá mo 'analaiso 'i he Integrated Data Infrastructure (IDI). Te ke lava 'o 'ilo lahi ange fekau'aki mo e Stats NZ mo e IDI 'i he'emau uepisaiti.
- Kapau te ke loto ki ai, 'e vahevahe leva 'e he ako fakatoto *Growing Up in New Zealand* ha tatau 'o ho'o fakamatala 17 Year Data Collection Wave mo e Stats NZ, 'a ia te nau fatongia'aki hono tauhi, malu'i mo tokanga'i.

- Ko e kau fakatoto te nau fie hū ki he tñaki'anga fakamatala kuo fakafehokotaki (pe fakataha'i) te nau tohi kole ki he ako fakatoto *Growing up in New Zealand* pea mo 'emau Kōmiti Data Access 'a ia te nau fatongia'aki hono fakapapau'i 'oku muimui 'a e kau fakatoto ki he'emau ngaahi tu'utu'uni ngāue pau ki hono tauhi ke ke malu mo malu ho fakamatalá.
- 'E lava ke fakaongoongoolei'i 'e he Stats NZ ki he kau fakatoto ke nau fetu'utaki ki he kau mataotao mei he timi *Growing Up in New Zealand* 'i he 'Univēsi 'o 'Aokalaní ke fakapapau'i 'e tokoni e fakatoto ki he fānaú mo e kakai kei iiki 'i Nu'u Silá. Ka neongo ia, he 'ikai fakahoko 'e he timi *Growing Up in New Zealand* ha fa'ahinga faitu'utu'uni fekau'aki mo e kau fakatoto te nau lava 'o hū ki ho'o fakamatalá mo e ngaahi polōseki 'oku fakangofuá. 'E fatongia'aki 'e he Stats NZ 'a hono fakahoko e ngaahi faitu'utu'uni ko iá.

'Oku 'atā pē ke ke fili 'i he ongo fa'ahinga fakafehokotaki ko 'enī – te ke lava 'o fili ke fakahokofakatou'osi, fakahoko pē ha taha, pe 'ikai 'aupito – ko e hā pē ho filí, 'oku sai pē. Te ke kei lava pē 'o kau ki he 17 Year Data Collection Wave, neongo pe ko e hā ha me'a 'e hoko.





Ko e hā e me'a 'e hoko ki he'eku fakamatala Growing Up? Ko hai te ne fatongia 'aki hono tauhi 'eku fakamatala Growing Up ke malú?

Kapau te ke tali ke kau, 'e tauhi malu mo hao ho'o fakamatala kimu'a mo ha fa'ahinga fakamatala fo'ou pē te mau tākaki meiate koe 'i he kaha'ū, 'i he malumalu 'o e le'o 'o e ako *Growing Up in New Zealand*. 'I he taimi ní, 'oku tauhi 'emau tākaki'anga fakamatalá 'i Sitiní, 'Aositelēlia, 'i ha senitā fakamatala malu.

'Oku fatongia 'aki 'e he 'Univēsiiti 'o 'Aokalaní mo e timi *Growing Up in New Zealand* hono tauhi ho fakamatalá, malu'i, mo tokanga'i. 'Oku mau fatongia 'aki foki hono fakapapau'i, ko ha fa'ahinga fakatotoalo pē 'okú ne faka'aonga'i 'a e fakamatala *Growing Up in New Zealand* 'oku fakataumu'a ia ki he lelei 'o e kakai pea ke faka'aonga'i 'e he kau fakatotoalo kuo fakangofuá 'a e fakamatalá 'i ha founa malu.

'Oku malava ke hū 'a e kau fakatotoalo ki ha tatau kakato 'o e fakamatalá 'aki 'enau tohi kole ki he ako *Growing Up in New Zealand*. 'Oku sivi 'a e ngaahi tohi kole ko 'ení 'e he Kōmiti Fakamatala 'a e *Growing Up in New Zealand*, 'a ia 'oku 'i ai 'enau makatu'unga mamafa kuo pau ke feau 'e he kau fakatotoalo ke nau lava ai 'o hū ki he fakamatalá. Te ke lava 'o 'ilo lahi ange fekau'aki mo e makatu'unga ko 'ení 'i he'emau uepisaiti.

Ko e kau fakatotoalo mei tu'apule'angá te nau lava 'o

kole ke hū ki he tākaki'anga fakamatala 'a e *Growing Up in New Zealand*, ka neongo ia, kuo pau ke 'i ai ha tokotaha fakatotoalo 'i he'enuu timi 'oku nofo 'i Nu'usila.

Te ke lava 'o ma'u ha ngaahi sippinga 'e ni'ihī 'o e ngaahi polōseki fakatotoalo kuo nau faka'aonga'i e fakamatala 'a e *Growing Up in New Zealand* 'i he'enuu uepisaiti.

Ko e hā e ngaahi lelei 'o e kau ki he ako Growing Up in New Zealand?

Ko e fakamatala 'okú ke 'omi ki he akó 'e ala monū'ia ai e fānau mo e kakai kei tupu hake koe'uhi 'e tokoni ho ngaahi talí ki he pule'angá mo e ngaahi kautaha kehé ke nau fa'u ha ngaahi lao ke fakalalakala ai e mo'ui 'o e fānau kotoa 'i Nu'usilá.

'E foaki atu ha ki'i me'a'ofa hili ho'o fakakakato ha ngaahi fehu'i pe 'initaviu, ko ha founa ki hono fakamālō'ia koe 'i ho'o taimi mo ho'o tokoni. 'Oku 'ikai kau heni ha foaki pa'anga hangatonu.

Ko e hā e ngaahi fakatu'utāmaki?

Kuo ngāue mālohi 'a e ako *Growing Up in New Zealand* 'i ha ngaahi ta'u ke 'ilo'i mo fakasi'isi'i ha fa'ahinga fakatu'utāmaki 'e hoko 'i he akó. Ka neongo ia, ko e taimi te ke kau ai ki ha fa'ahinga ako, 'oku 'i ai hono ngaahi fakatu'utāmaki 'e ni'ihī kau ai 'eni.

- Ongō'i loto-mamahi 'i he ngaahi fehu'i 'oku mau 'eké koe'uhi ko honau natula ongongofua pe fakataautahá.
- Ko e malava ke 'ilo'i 'i he fakamatalá ha ni'ihī fakafu'ituitui pea mahalo mo ha ni'ihī kehe 'oku

nau 'i ha 'api tatau, kautaha, iwi pe hapū. 'Oku 'uhinga 'eni, 'e malava ke fakatahataha'i 'e ha taha ha fakamatala kuo tātaki pea ne 'ilo'i 'oku fekau'aki 'eni mo koe.

- Ko e malava ke holofa e malu'i 'o ha fakamatala, hangē ko e hū ta'efakalao ha taha ki he sisitemi fakamatala 'a e 'Univēsi' 'o 'Aokalaní.
- Ko e malava ke faka'aonga'i e fakamatalá ki ha ngaahi taumu'a 'oku 'ikai fakangofua hangē ko hono vahevahe e fakamatalá mo ha taha/kulupu 'oku 'ikai ko ha kau fakatoto kuo fakangofua.
- Ko e malava ke 'omi 'e ha tokotaha fakatoto ha ngaahi tali 'okú ne 'ai ke ongo'i loto-mamahi ha kakai 'e ni'ihi pea/pe ngaahi komiuniti koe'uhí 'oku 'ikai ho'ata meiate kinautolu e me'a 'oku mahu'inga taha kiate kinautolú.

'Oku 'i ai e palani 'a e *Growing Up in New Zealand* ki he ngaahi fakatu'utāmaki takitaha ko 'eni pea 'oku nau ngāue mālohi ke fakapapau'i he 'ikai hoko. 'E lava 'o ma'u atu 'i he'emauepisaite'i ha fakamatala lahi ange fekau'aki mo e me'a 'oku mau fakahoko ke malu'i 'aki ho fakamatalá.

Ko e hā e founa 'oku totonu ke u fili ai e me'a ke fakahokó?

Ko e fuofua me'a ke 'ilo'i, 'oku 'ikai ha founa tonu pe hala ke fai 'aki ha tu'utu'uni ki ho'o kau mai ki he ako *Growing Up in New Zealand*.

Tuku ha taimi ke fakapapau'i ai 'okú ke ma'u 'a e fakamatala kotoa pē mo e fale'i 'okú ke fiema'ú ki ho'o faitu'utu'uni ke hokohoko atu ho'o kau ki he akó.

'Oku mahu'inga ke ke ma'u 'a e faingamālie ke ke fai ha'o fili pē 'a'au fekau'aki mo e me'a 'okú ke loto ke fai. Kuo fakangofua 'e ho'o tamasi'i ke hokohoko atu 'ene kau ki he akó. 'Oku mau 'ilo'i kuó ke 'omi ha fakamatala lahi fekau'aki mo koe, ko ho tamasi'i, pea mo homou 'api, 'a ia 'e malava ke faka'aonga'i ke tali 'aki ha ngaahi fahu'i mahu'inga fekau'aki mo e fakatoto. Makatu'unga 'i he me'a ni, mahalo te ke ongo'i mālohi

ke hokohoko atu ho'o kau mai ki he akó. 'E hokohoko tu pē ho'o 'omai 'a e fakamatala fekau'aki mo koe, ko homou 'api, pea mo ho tamasi'i. He 'ikai ke mau fahu'i ki ho tamasi'i ke ne 'omi ha fakamatala hangatonu fekau'aki mo koe.

Ko e hā e me'a 'e hoko kapu te u fie hoko atu pē?

Te mau fakaafe'ikoe ke ke kau ki he ngaahi fahu'i pe 'initaviu hokó. 'Oku 'uhinga 'eni, te ke lava 'o fili ke kau, pe 'ikai, neongo kuo fakangofua 'e ho'o tamasi'i ke ne hokohoko atu 'i he akó.

Kapau te ke tali ke hokohoko atu ho kau kae liliu ho fakakaukau 'amui ange, 'oku sai pē. Te ke lava 'o fetu'uaki ki he timi *Growing Up in New Zealand* 'i he fa'ahinga taimi pē pea te mau tokoni atu kiate koe.

'E fēfē nai kapau te u fie mavahe au mei he akó?

Te ke lava 'o tali 'ikai ki he kole ko 'eni kapau te ke loto ki ai. 'Oku sai pē ia. 'Oku mau hounga'ia 'i he taimi mo e fakamatala kotoa kuó ke 'omi ki he ako *Growing Up in New Zealand*.

Kapau te ke tali 'ikai, te mau to'o leva ho fakamatala fetu'utaki mei he'emaue tātaki'anga fakamatalá pea he 'ikai ke toe fakaafe'i koe ke ke kau 'i he'emaue tali fahu'i/iniaviu.

'E kei hokohoko atu pē e kau ho tamasi'i 'i he akó koe'uhí kuo nau fakangofua. Te mau hokohoko atu pē 'i he 'eke ha ngaahi fahu'i kiate kinautolu fekau'aki mo 'enu mo'ui lelei mo e mo'ui pehē ki homou 'api. He 'ikai 'eke kiate kinautolu ke vahevahe ha fa'ahinga fakamatala fekau'aki mo koe.



Kapau te ke tali 'ikai, te mau kole atu leva ha fakangofua ke mau tauhi 'a e fakamatala kuó ke 'omi 'i he 'Univēsi 'o 'Aokalaní kae lava ke hoko atu hono tali 'e he kau fakatotoló ha ngaahi fehu'i mahu'inga fekau'aki mo e ngāue 'oku fakahoko ke fakapapau'i 'oku mo'ui 'aki 'e he fānau kotoa pē ha mo'ui 'oku lelei 'i Nu'usilá.

- Kapau te ke tali, 'e hokohoko atu hono tokanga'i 'e he 'Univēsi 'o 'Aokalaní mo e ako Growing Up in New Zealand mo faitu'utu'uni ki he founa ke faka'aonga'i ai ki he fakatotoló mo e tu'utu'uni.
- Kapau he 'ikai te ke tali, 'e to'o leva 'e ha mēmipa 'o e timi *Growing Up in New Zealand* ho'o fakamatala fakafo'ituitui koe'uhí ke 'oua na'a lava ke toe hū ki ai e kau fakatotoló 'o faka'aonga'i 'i he'enau ngaahi polōseki fo'ou. Mahalo 'e a'u 'o māhina 'e 6 ke fakakakato e ngāue ni. Ka neongo ia, he 'ikai to'o ho fakamatalá mei he ngaahi polōseki kuo 'osi fakahokó pe 'osi fakakakató.

Te mau kole atu foki ho'o fakangofuá ke hokohoko atu hono tauhi ha fa'ahinga sippinga kuo vahevahe mo e ako *Growing Up in New Zealand*.

- Kapau te ke tali, 'e hokohoko atu hono tokanga'i 'e he 'Univēsi 'o 'Aokalaní mo e ako *Growing Up in New Zealand* mo faitu'utu'uni ki he founa ke faka'aonga'i ai ki he fakatotoló mo e tu'utu'uni.
- Kapau he 'ikai te ke tali, 'e to'o leva 'e ha mēmipa 'o e timi *Growing Up in New Zealand* ho'o fakamatala fakafo'ituitui koe'uhí ke 'oua na'a lava ke toe hū ki ai e kau fakatotoló 'o faka'aonga'i 'i he'enau ngaahi polōseki fo'ou. Mahalo 'e a'u 'o māhina 'e 6 ke fakakakato e ngāue ni. Ka neongo ia, he 'ikai to'o ho fakamatalá mei he ngaahi polōseki kuo 'osi fakahokó pe 'osi fakakakató.

Ko hai 'okú ne fakapa'anga 'a e akó?

Ko e akó 'oku fakahoko ia 'i he 'Univēsi 'o 'Aokalaní

pea 'oku fakapa'anga ia 'e he pule'anga Nu'usilá 'o fakafou 'i ha aleapau mo e Potungāue Fakalakalaka Fakasōsialé (Ministry of Social Development.)

Ko e ako ko 'ení kuo 'osi fakangofua 'e ha kulupu tau'atāina 'o ha kakai 'oku ui ko e Health and Disability Ethics Committee (HDEC), 'a ia 'oku nau vakai'i pe 'oku feau 'e he ngaahi akó 'a e ngaahi tu'unga faka'ēfika kuo fokotu'ú. Kuo fakangofua 'e he kōmiti Northern B 'a e ako ko 'ení (Ref NTY/08/06/055).

Toe ai ha ngaahi fehu'i?

'Okú mau fiefia ke tali ha fa'ahinga fehu'i pē fekau'aki mo e fokotu'u ko 'ení ke liliu 'a hono tauhi ho'o fakamatala *Growing Up in New Zealand*. Ko e ni'ihī eni 'o e ngaahi feitu'u te ke lava 'o 'alu ki ai ke ma'u ha tokoni ki ha fa'ahinga fehu'i:

Īmeili: contact@growingup.co.nz or

Telefoni: **0508 GROWING UP (0508 476 946)**

'Okú ma'u atu ha fakamatala lahi ange fekau'aki mo e akó 'i he growingup.co.nz.

Kapau 'okú ke fie talanoa ki ha taha 'oku 'ikai kau ki he aó, te ke lava 'o fetu'utaki ki ha tokotaha tau'atāina 'i he mo'ui lelei mo e faingata'a'ia fakaesinó 'i he:

Telefoni: **0800 555 050**
Fax: **0800 2 SUPPORT (0800 2787 7678)**
Īmeili: advocacy@advocacy.org.nz

Uepisaiti: advocacy.org.nz/

Te ke lava foki 'o fetu'utaki ki he kōmiti health and disability ethics committee (HDEC) 'a ia ne nau fakangofua 'a e ako ko 'ení, 'i he:

Īmeili: hdecs@health.govt.nz

Telefoni: **0800 400 569**
(Ministry of Health general enquiries)

© Growing Up in New Zealand 2025

Fakamatala Fakangofuá:

Ko e ako ko 'ení kuo fakangofua faka'ēfika ia mei he Health and Disability Ethics Committee (Ref NTY/08/06/055/AM0434). 'Okú 'uhinga 'a e fakangofua faka'ēfiká, kuo vakai'i kotoa 'e he kau mataotao 'oku 'ikai ke nau kau 'i he *Growing Up in New Zealand* 'a e ngaahi fakamatala mo e ngāue kotoa pē, pea 'oku mau fiefia 'oku 'ikai ha me'a 'e ala fakatu'utāmaki ai kiate koe mo ho'o fāmili, 'e tauhi 'ikai fakahāhāholo 'a e 'ū fakamatalá, pea 'e 'aonga 'a e ako ko 'ení ki he ngaahi fāmili Nu'usilá.

Kaveinga fakalao 'o e Akó: *Growing Up in New Zealand*

Siponisoá: Ministry of Social Development

Talēkita Fakatotoló: Professor Sarah-Jane Paine

'Ēlia 'o e Akó: The University of Auckland, Private Bag 92019, Auckland 1142, New Zealand

Ethics committee ref.: NTY/08/06/055/AM0434



Waipapa
Taumata Rau
University
of Auckland

Growing Up
in New Zealand